



Tillie Martinussen

**Peqqinnissaqarfimmi sulisut isumaqatigiissutaat pillugu § 37 naapertorlugu
apeqqut nr. 2018-119**

Ulloq 18. juni tulluuttut apeqqutigivatit:

Dato: 4. juli 2018
Sagsnr.: 2018-13629

Postboks 1039
3900 Nuuk
Oq/tel +299 34 50 00
Direkte +299 34 64 36

- 1. Naalakkersuisut aamma peqqinnissaqarfimmi sulisut peqatigiiffiannut PPK-mut (Peqqissaasut Kattuffiannut) ilaasortat akissarsiaat sulinermilu atukkat pillugit isumaqatiginninniarnersa atuutilerfissaat sooruna kinguaattoorfiusoq?***

Akissut: Peqqinnissaqarfimmi sulisunut isumaqatigiissutit atortuutinneqartut atuutilerfissaat kinguaattuunngilaq. Akissarsianut isumaqatigiissutit atorunnaarsinneqaraangata isumaqatigiissutit qanganitsat isumaqatigiissutilluunniit atorunnaarsinneqartut nutaanik taarserneqartarput. Isumaqatigiissutit nutaat akissarsiallu aaqqiissutaat taakkununga ilaasut nalinginnaasumik isumaqatigiissutitoqqat atorunnaarfiat aallarnerfigalugu atuutilersinneqartarput. PPK-mik isumaqatiginninniarnersit ulloq 3. december 2017 naammassineqarnerannut isumaqatigiissutillu inernerisa atsiorneqarneranut atatillugu tunngaviusumik akissarsiat atsiornerup kingorna piffissat sivilunngitsup ingerlanerani aaqqiissuteqarfigineqarnissaat isumaqatigiissutigineqarpoq. Tunngaviusumik akissarsianut aaqqiissutit marts 2018-ip naanerani akilerneqarput. Isumaqatiginninniarnersit atuutilersussat amigaataasut annertuumik suliareqqaarneqartussaapput, tassanilu isumaqatigiissutit atuaruminarnerulernissaat ilinniakkallu akimorlugit assigiiarnerusunik atugassaqartitsinermik qulakkeerinninnissaq anguniagaavoq.

- 1. A. Namminersorlutik Oqartussani immikkoortortaqaqarfinni piginnaanerit suut amigaataappat isumaqatigiissutit allanneqarnerisa inaarnissaannut?***

Akissut: Minnerunngitsumik ukiumi ataatsimi affarmilu isumaqatiginninniartarnermut pisortaqaarsimangilaq. Maannali aatsaat ulloq 1. juli 2018 atorfik inuttalerneqarpoq. Sulisut suliunnaarnerannut atatillugu atorfiit inuttaqanngikkallartarput, pisunilu allani isumaqatiginninniarnersit ingerlasut taakkulu naammassinerat sulianillu passussineq isumagineqartariaqartarput.

KANUKOKA-p atorunnaarsinneqarnerata kingunerisaanik ukiuni kingullerni isumaqatiginninniarnermik immikkoortortaqarfik malunniutilimmik tamaviaarnarnerulersimavoq. Isumaqatiginninniarnernut atorfinitsitinernullu pissutsinut tunngasuni kommuninik siunnersuisinnaasunik KANUKOKA sulisunik aammattaaq siusinnerusukkut sulisussaqaqsimavoq. KANUKOKA-p atorunnaarsinneqarnerata kingorna suliassaq taaneqartoq isumaqatiginninniarnermik immikkoortortaqarfimmut maanna nuunneqarpoq, naak suliassat amerlialuuartut sulisut amerlineqaqsimanngitsut. Qanoq iliorluni suliassanik kivitsisinnaasunik immikkoortortaqarfimmi annertusaanissat eqqarsaasersuutigineqarpoq.

1. B. Siunissami piffissaagallartillugu naammassinnittarnissaq qularnaarniarlugu qanoq iliorluta ersarissumik malittarisassiorsinnaavugut, aalajangersimasumik ilinniarsimasut utaqqilussinnartaqqunnagit aamma qularnaarniarlugu saaffiginnissutit akineqartarnissaat?

Akissut: Isumaqatiginninniartarnermut tunngasuni suliataq isumagineqarnissaannut malitassianik ersernerluttoqanngilaq. Suliassat ilaasa ilaatigut pisariaqartumik nukingiullugillu naapertuuttumik sularineqartannginnerat sulianut sanilliullugu isumalluutinik naapertuuttunik sulisussaqaqartannginnermik patsiseqarnerusarpoq. Tamatuma saniatigut sulisoqarnermut isumaqatiginninniarnermullu immikkoortumi naammattunik piginnaasalinnik sulisussarsinarneq ajornartorujussuavoq.

2. Qanoq sukkatigisumik PPK-mi ilaasortat naatsorsuutigisinnaavaat akissarsiat sulinermilu atukkat pillugit isumaqatigiissutit piviusunngortinneqarnissaat?

Akissut: Apeqqut 1-imut atatillugu nassuiaatigineqartut akissarsiat aqqigalliutaat annertunerit ukioq manna marsip naanerani pippit, maannalu isumaqatigiissutit sukumiisumik misissornissaat amigaataavoq. Ingammik sygeplejerskinut isumaqatigiissut annertuumik aqqigalligassartaqarpoq. Tamannalu suliassani pingaarnerutillugu maanna ingerlanneqarpoq.

3. Ilumoorpa akissarsiat sulinermilu atukkat pillugit isumaqatigiinniarnarit marsi 2016-mili naammassereertussaagaluartut, piffissami tassani isumaqatigiissutit siulii atorunnaartussaaniuummata?

Akissut: PPK-mut isumaqatigiissutit 31. marts 2016-imi atorunnaarnerat ilumoorpoq. Pissutsit assigiinngitsut patsisaallutik isumaqatiginninniarnariat kingusinnerusukkut aatsaat aallartippit. Ilaatigut KANUKOKA atorunnaarsikkiartorneqarpoq, taamaammallu isumaqatiginninniarsinnaanermut piginnaatitsissummik pissarsiniarneq pisarnermit sivisunerusumik utaqqineqarpoq.

**3. A. Kiisalu ilumoorpa isumaqatigiissuteqarnissaq
kinguartoorsimammat Namminersorlutik Oqartussani
Naalakkersuisoqarfiup immikkoortortaa akissarsiat
qaffaassutissaanik nassaarsimangimmat, isumaqatigiinniarnarit
aallartimmata aningaasalerneqarsimangimmata?**

Akissut: Peqqinnissaqarfimmi atorfinnik assigiaarinissamut atorfinnullu imminnut assersuunneqarsinnaasunut akissarsiat paasiuminarnarulersinniarlugit isumaqatiginninniarnerni immikkoortumut tassunga aningaasatigut sinaakutissanik immikkut ittunut piginnaatitsissummik pissarsiniartoqarsimanera ilumoorpoq. Suliaq tamanna pisariusoq Peqqinnissaqarfimmit sinnisut qanimut ataqatigiissaareqatigalugit ingerlanneqarpoq.

Namminersorlutik Oqartussat isumaqatiginninniarnernut sinnisuutitaat isumaqatiginninniarnernik taakkuninnga ingerlatsinissamut piginnaatitaasimanginnerat eqqunngilaq. Isumaqatiginninniarnarilli ingerlaneranni piginnaatitsissutip tunniunneqartup iluani isumaqatigiittoqarsinnaangimmat, piginnaatitsissutip annertusineqarnissaanik qinnuiginnittoqarpoq, taamaaliornikkullu soorunami isumaqatiginninniarnarit kinguaattoorput. Suliat taamaattut ingerlanneqarneranni pisut kommuninut peqqinnissaqarfimmullu ataqatigiissarlugit ingerlanneqarnerat pisariaqarpoq, illuatungeriimmi tamarmik isumaqatiginninnarnermi piginnaatitsissutaaqaartumit annertunerusunik akissarsiat qaffanneqarnissaat soorunami akuersissutigeqqaartussaavaat. Taamaammat piginnaatitsissutip annertusineqarnissaanik pissarsiniarnerup isumaqatiginninniarnarit piffissami sulivisunerusumi ingerlanneqarnerannik nassataqarpoq.

Taamaammat isumaqatiginninniarnernik ingerlatsinerit taamaallaat piumasaaqatinik sunilluunniit illuatungerisap saqqummiussaanic akuersinerinnarnik imaqannginnerat, akerlianilli isumaqatiginninnarnermik piumasaaqatit assigiinngitsut oqaluuseralugit nalilersorneqarlutik ingerlanneqartarnerat eqqaamaneqartariaqarpoq. Taamaammallu kinguaattoornerit suulluunniit tamaasa Namminersorlutik Oqartussat isumaqatiginninniartuinut tutsiinnarneqarsinnaangillat.

4. Ilumoorpa isumaqatigiissut piareerneqarsimagaluarpat ulloq 3. decembari 2017-mi? Aamma peqatigiiffiup ulloq 5. januaari 2018-mi Namminersorlutik Oqartussat nalunaarfigisimammagu isumaqatigiissut akueralugu taamatullu isumaqatigiissutigineqarsimammat marsi 2018-mi isumaqatigiissutit piviusunngortinneqarnissaat killeqassasoq kiisalu maajimi 2018-mi?

Akissut: Pappiarap isumaqatigiissummik imaqartup ulloq 3. december 2017-imi atsiorneqarnera ilumoorpoq, Peqqinnissaqarfimmilu sluisut ulloq 5. januar 2018-imi isumaqatiginninniarnarit inernerannik akuersillutik allakkatigut

nalunaaruteqarnerat aamma ilumoorpoq, aammattaaq siuliani oqaatigineqartut tunngaviumik akissarsiat 2018-imi marsip naanerani aaqqiivigineqarnerat taamaalilluni aamma ilumoorpoq.

Isumaqatigiissutip aaqqissuullugu allannera piffissartorfiusinnaanera sillimmartaarutigineqartuarpoq, tasanilu isumaqatigiissutini tamani akissarsianut aalajangersakkat assigiinngitsut annertuumik allanngortinneqartussaanagerat, tamatumalu nassatarisaanik atorfiit kallarneqartut tamarmik ataasiakkaarlutik misissorneqartussaanagerat patsisaavoq.

4. A. Taamaasimappat suna pissutaava illuatungeriit isumaqatigiissutaata piviusunngortinneqarsimanninneranut piffissarujussuaq ingerlareeraluartoq?

Akissut: Apeqqutip siulliup akineqarneratigut ilisimatitsissutigineqartut akissarsiat aaqqiivigineqarneri amerlarnepaat isumaqatigiissut nutaaq aallaavigalugu aningaasartai tunniunneqareerput. Amigaatigineqartorlu tassaalluni isumaqatigiissutip allanneqarnissaa. Suleriaatsip ingerlanera pisariuvoq, isumaqatigiissutip aaqqissuullugu allanneqarnissaata piffissartornerpoq, inunnillu ikittuinnarnit suliarineqarsinnaavoq. Isumaqatigiissutinut tunngasunut allaffimmi inuup ataasiinnaap pineqartoq ilisimasaqarfigaa, taassumalu aallaffimmi pisortaq peqqinnissaqarfiullu sinniisaa allannermini qanimut attaveqarfigai. Isumaqatigiissutini tamani akissarsianut aalajangersakkat assigiinngitsut annertuumik allanngortiteneqarnerat tamatumalu nassatarisaanik atorfiit kallarneqartut tamaasa ataasiakkaarlugit misissuiffigineqartariaqarnerat piffissartornermut ingammik patsisaavoq.

5. Namminersorlutik Oqartussat PPK-llu ilaasortaasa ataatsimeeqatigiinnissaat, isumaqatigiissuteqarnissaat imaluunniit isumaqatigiissutit piviusunngortinneqarnissaat ukiut qulit kingulliit ingerlanerani qanoq akulikitsigisumik kinguaattoorfiusarsimappat?

Akissut: Ukiuni kingullerni quini tamakku pillugit aaqqissuussamik nalunaarsukkanik peqartoqanngilaq.

PK-PPK-milli isumaqatigiissutitut atsiukkat naapertorlugit atulersitsinerni immikkut taasarialinnik kinguaattoortoqartanngitsaq malunnarpoq, isumaqatiginninniarnissat ataavartumik PK-PPK-millu kiisalu sulisitsisunit soqutigisaqartunik allanik ataqatigiissaaraluni pissarput.

6. Aalajangersimasumik ilinniagallit amerlasuut inuiaqatigiinnullu pingaaruteqarluinnartut isumaqatigiissuteqarfigineqarnissaminnullu utaqqisut eqqarsaatigalugit kinguaattoornerit Naalakkersuisut qanoq isumaqarfigaat?

Akissut: Suliami kinguaattoortoqartarnera namminermini ajuusaarnarpoq, tamannali suliat annertussusaannut sanilliullugu isumaluutininik atugassaasinnaasunik ataqatigiiffeqarpoq. Tassunga atatillugulu pingaarpoq eqqumaffigineqassallunilu, suliffeqarfiit assigiinngitsorpassuit taakkunanilu suliassaqarfiit assigiinngitsorpassuarni kattuffeqarfiit ataasiakkaat tamarmik immikkut isumaqatigiissuteqarmata. Isumaqatigiisummik nutaamik isumaqatiginninniarneq suliaqarnerni tunngaviuvoq sunaluunniit isumaqatigiissut pineqaraluarpat ilaasortat pineqartut amerlassusaat 25-iniit imaluunniit 10.000-it pineqarmata. Suliassaqarfiit ataasiakkaat akornani isumaqatigiissutaanni assigiinngissut annertusiartuinnavissimavoq piffissap ingerlanerani, isumaqatigiissutillu ataasiakkaat piuminaassinnaaneri annertusiartuinnarlutillu atuutinniarneri naammassiniarneqarnerilu ajornakusoorsittarpei.

Isumaqatiginninniarnermik allaffiup imaqatigiissutit nutarternissaannik nunatsinnilu pisortat isumaqatigiissutaannik isumaqatigiissutit isumaqatiginninniutiginerat isumagisaraa. Tassa Namminersorlutik Oqartussani nunatsinnilu kommunini sulisut atorfinitsinneqarnerannut akissarsiaqartinneqarneranullu isumaqatigiissutit. Isumaqatiginninniarnerni suliaqartunik pingaarutilinnik suliaqartunik naammattunik isumaluutissanik kajumitsitsiniarneq tamatigut unammillernartoqartarpoq. Matuma allannerata nalaani sulisut pingasut sulilu alla ataaseq atorfinitsinniarlugit suliaqartoqarpoq.

Sulisut ukioq tamaat akissarsianik 10.400-nik naleqartut imaluunniit ulloq tamakkerlugu atorfilinnik naleqartut kattuffinnut 21-inut siaruarsimapput, taakkunanngalu Peqqinnissaqarfimmi sulisut isumaqatigiissutaat ukioq tamaat akissarsianut 683-inut naleqarput, tassa pisortat isumaqatigiissutaasa ataanni sulisut tamarmik 6,6 procentii.

7. Pissutsit allat

Apeqqutit tunngavilersorneqarneranni isumaqatigiissutit nutaat allaqqinneqarnerannik amigaateqarfiusut peqqinnissaqarfimmi atorfinitsitsinermi immikkut pingaaruteqarnerat allaaserineqarpoq. Tamanna ajornartorsiuteqarfimmi annertuumi pissutsinik pisariinaariniarneruvoq. Tassunga atatillugu Danmarkimi 2018-imi aasaq sioqqullugu sivisoorujussuarmik isumaqatiginninniarnernik ingerlatsinerup ilaatigut qallunaat peqqinnissaqarfimi sulisut amerlasuut maani nunatsinni atorfinnut qinnuteqarsinnaanermi mattunneqarsimanerat immikkut taasariaqarpoq.

Inussiarnersumik inuulluaqqusillunga



Pele Broberg